



Inatsisartuni ilaasortaqa Suka K. Frederiksen, Siumut

INDGÅET

- 4 MAR. 2015

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Toqoraavimmi eqqagassat Neqi A/S-meersut pitsaaneruserumik  
atorluarneqarsinnaanerit pillugu § 37 naapertorlugu Inatsisartunut apeqqutip nr.  
2015-039-p akineqarnera**

18-02-2015

Suliap normua 2015-111609  
All. normua 1867739

Toqoraavimmi eqqagassat Neqi A/S-meersut pitsaaneruserumik atorluarneqarsinnaanerit  
pillugu Inatsisartut suleriaasianni § 37 naapertorlugu apeqqutinik nassiussaqaarputit.

Postboks 269

3900 Nuuk

Oqarasuaat (+299) 34 50 00

Fax: (+299) 34 63 55

E-mail: uumasut@nanoq.gl

www.naalakkersuisut.gl

Apeqqutinut toqoraavimmi eqqagassat pitsaaneruserumik atorluarneqarnissaat pillugu  
apeqqutinut qujavunga.

Apeqqutit 1 aamma 2-p akineqarnerat Ilaqutariinnermut, Naligiissitaanermut  
Isumaginninnermullu Naalakkersuisoqarfik, Inuussutissarsiornermut, Suliffeqaarnermut  
Niuernerimullu Naalakkersuisoqarfik, Pinngortitamut, Avatangiisinut Inatsisinillu  
Atuutsitsinerimut Naalakkersuisoqarfik kiisalu Neqi A/S tusarniaaffittut peqatigalugit  
suliarineqarpoq.

Apeqqut 3-mut tunngatillugu apeqqut taanna Ilaqutariinnermut, Naligiissitaanermut  
Isumaginninnermullu Naalakkersuisoqarfimmit akineqarpoq.

Inatsisit matumani pineqartut:

Suliffeqarfiit inuussutissaleriffiusut pillugit Namminersornerullutik Oqartussat  
nalunaarutaat nr. 21, 27. juli 1998-imeersoq kiisalu Igitassanik eqqaasarneq pillugu  
Namminersornerullutik Oqartussat nalunaarutaat nr. 28, 17. september 1993-imeersoq.

**Naalakkersuisunut apeqqutigineqartoq siulleq:**

Naalakkersuisut isumaliutigisimanerpaat, Neqip toqoraaviani tunisassiornermi sinnikut  
igiinnartagai eqqaavimmut iginneqaannartartut, tunisassiareqqaeriarlugit  
tuniniarneqarsinnaanersut?

**Akissut:**

Neqi A/S avammut niuernerimik kissaateqaruni igitassanik eqqaasarnermut sakkortuunik  
piumasaqaateqarpoq. Tamatumani ilaatigut pineqarput atortunik "Immikkoortoq 1  
atortussanik" taaneqartartunik eqqaasarnerit, tak. eqqakkanik ikuallaasarnermut  
malitassat 2000/76/EF-imiittut. Tamatumani pingaarnertigut pineqarput atortut SRM-mik  
taaneqartartut (atortut navianaatilitut immikkoortitat). Taamaammat pingaaruteqarpoq  
erseqqissassallugu Neqi A/S avammut niuernerimik ingerlataqarniarpat EU-mi  
malittarisassat atorneqartussaammata, taamaammallu Inuussutissalerinermut  
Aqutsisoqarfiup suliffeqarfiit piumasaqaatinik malinninersut nakkutigisussaassallugu.

Nunatsinni niuerfinnut tunisassiorarneq pineqartillugu suliffeqarfiup avatangiisinut  
Pinngortitamut, Avatangiisinut Inatsisinillu Atuutsitsinerimut Naalakkersuisoqarfimmit

naliliiffigineqarnerani eqqakkanik suliarinnittarnermut piumasaqaatinik aalajangersaasoqarsimavoq. Igitassat Neqi A/S-mi toqoraavianeersut inunnut nerisassatut naleqqutinngitsutut aallaavigineqarpoq. Tassa imaappoq matumani pineqarput eqqakkat navianartuusinnaasut, mingutsinneqarsimanngikkunik inunnut nerisassatut isigineqarsinnaanngitsut.

Taamaammat eqqagassat toqoraavimmeersut nerisassiatut suliarineqarsinnaanngimmata Naalackersuisoqarfik siusinnerusukkut Inuussutissalerinermut Aqutsisoqarfimmu uumasunut nerukkaatissanut malittarisassanik eqqussisoqarnissaanut periarfissaqarnersoq pillugu oqaloqateqarsimavoq. Inuussutissalerinermut Aqutsisoqarfik Aalajangersagaq nr. 524, 8. juni 2004-meersumi §§ 27 aamma 28 naapertorlugit suliffeqarfinnut nerukkaatissanik uumasut eqqagassartaaneersunik nuna tamakkerlugu tunisassiorlutillu siammartererusuttunut akuersissummik tunniussinissamut akisussaasuvoq. Naalackersuisoqarfiup oqaloqateqarneq tamanna nangikkusuppa, taamaaliornikkut eqqagassat toqoraavinneersut ilaannik uumasunit nerineqarsinnaasunik atorluannaasag anguneqarsinnaassammat.

Neqi A/S apeqqutigineqartumut paasisutissiivoq suliffeqarfik maannakkuugallartoq saanikunik tuniniarneqartussanik agguisartoq poortuisarlunilu. Ukiumut 2000 kiilut missaat tunineqartarput. Taamaalilluni Neqi A/S-ip ukioq mannamit saanikut igaassat siatassallu pitsaassusiat allanngortippaa saanikut neqitaqarnerulersillugit tunisassiallu igiinnarnagit Narsami taamaalillugit siornatigut pisarsimasutut tuniniarneqartalerput. Maannakkut tunisassiat taakku uninngasuutigineqanngillat nungoreersimammata. Neqi A/S-p tunisassiat sinnikuinik allanik tunisassiorlarnissaanik tuniniaasalarnissaanillu pilersaaruteqartoqarnersoq paasisutissiissutigineqanngilaq.

#### **Apeqqu 2:**

Naalakkesruisunit eqqarsaatersuutigineqarsimava neqit tunisassiornermi sipporuttut tunniunneqarsinnaanersut tuniniarneqarsinnaanersulluunniit Narsarmiunut isertitakitsunut?

#### **Akissut:**

Kalaallit Nunaanni Uumasunut Nakorsaqaarfik Inuussutissalerinermullu Oqartussaaffik (UNIO) aqputigalugu neqinik misissuisarnerni atatillugu paasisimavara toqoraavimmiit eqqarneqarnerpaat inunnut nerisassatut tulluurtuunngitsut, taamaammallu taamaattussanngorlugit tunniunneqartariaqaratik/tuniniarneqartariaqaratik.

Inunnit nerineqarsinnaanngitsutut immikkoortinneqarnerannut pissutaavoq neqit toqoraanerup nalaani mingutsitat pineqartarmata imaluunniit uumasumi arlaannik nassaartoqarsimanera pissutaasinnaalluni, tamannalu pissutigalugu nerineqarnissaat tulluurtuunani. Taamaammat Kalaallit Nunaanni Uumasunut Nakorsaqaarfik Inuussutissalerinermullu Oqartussaaffimmit isumaqatigineqarsinnaanngilaq toqoraavimmiit eqqakkat nerisassatut tunniunneqassappata tuniniarneqassappataluunniit maluginiaqqullugulu eqqakkanik ikuallaasarfimmi naleqqussakkami ikuallanneqartariaqartut.

Tunisassiornermi sinnikut toqoraavimmeersut nerisassatut tulluarsimassappata periarfissaasinnaavoq tamakku isertitaqarpiannngitsunut imaluunniit isertitaqanngitsunut ingerlateqqittarnissaat. Taamaattoq erseqqissaatigineqassaaq suliffeqarfiup nammineerluni tamanna aalajangertussaammagu.

Neqi A/S-mit nalunaarutigineqarpoq suliffeqarfik kiffartuussinissamut isumaqatigiissutaasoq malillugu suliffeqarfik iluanaarniutigalugu ingerlanneqarnissaa pisussaaffiusoq. Taamaammatt suliffeqarfiup isumagisassaanut ilaasussaangilaq Narsami innuttaasunut isumaginninneq eqqarsaatigalugu nerisassanik agguassalluni. Taamatut periuseqarnerup suliffeqarfiup ileqquusumik niuerfinni nioqqutissaatiminik tuniniaanissaa aamma akornusersortussaavaa.

### **Apeqquut 3:**

Naalackersuisut qanoq iliuseqarniarpat inuit pissakitsut nerisassa qarusullutik Neqi A/S-mi tunisassiornermi neqinik sinnikunik eqqaavissioritariaqarnerat pinngitsoortinniarlugu?

### **Akissut:**

Apeqqutigineqartoq sakkortuvoq, inunnillu isumaginninnermut tunngalluni, taamaammallu uanga oqartussaaffeqarfinnut attuumassuteqarpallaarnani. Taamaammatt akissut Ilaqutariinnermut, Naligiissitaanermut Isumaginninnermullu Naalackersuisoqarfimmit Naalackersuisumit akineqarpoq, imatullu nalunaaruteqarpoq:

*”Kalaallit Nunaanni innuttaasunut tamanut assigiimmik atugassaqartitsinissaq, piitsuullunilu inuunerup akiorniarneqarnissaa Naalackersuisut ersarissumik anguniagaqarfigaat. Piitsuunermut pissutaasinnaasut amerlaqaat. Ilaqutariinni piitsuuneq immikkuullarissutut Naalackersuisut isigaat, tamatumanilu aningaasaqarniarneq kisimi pineqaannarsinnaangilaq. Piitsuussuseq akiorniarneqassappat inuiaqatigiit qangaaniilli ineriartomerat isiginiartariaqarpoq, tassami piitsuussuseq arlalitsigut akiorniarariaqarpoq, ilaatigut ilinniartitaanernut, peqqinnissaqarfinnut, suliffissanut il.il. assigiimmik pitsaasumillu periarfissaqarnikkut.*

*Meeqqat inuunermikkut atugaat angajoqqaajusut inuunermikkut atugaannut naleqqersuuttariaqarput. Meeqqat piitsuussusaat akiorniarneqassappat pingaaruteqarpoq inuuniarnikkut artornartumik inuuneqartarnerup akiorneqarnissaa, taamaaliornikkullu ilaqutariinni kingulliullutik ajornartorsiutaasut aaqqiivigalugit, meeqqallu piitsuunerminniit qaqugumut anigunissaat periarfissinneqassammat. Ilaqutariit meerartallit aningaasaqarnerat (aamma aningaasaqarnermik aqutsinnaassusiat) soorunami aamma qitiutinneqartussaavoq. Tassunga atatillugu paasineqartariaqarpoq meeqqat atugarliortitaasut inatsisit naapertorlugit sutigut tamatigut ikiorneqartussaammata, sunaluunniit pissutaasimagaluarpat.*

*Soorlu Naalackersuisunit oqaatigineqareersoq assigiimmik inuusoqarnissaanik Naalackersuisut kissaateqarput, tassami nunat tamalaat eqqarsaatigalugit inuiaqatigiit assigiinnerusumik inuuneqartut inuiaqatigiittut ingerlalluarnepaasarmata, tak. skandinaviami atugarissaarnermut assersuusuaq. Naalackersuisut tassunga atatillugu aqqiissuusseqinnernik piareersaapput, tamakku aqqutigalugit naammannerusumik agguataarisqaarnissaa anguneqarsinnaammatt pitsaanerumillu atugarissaarneq angullugu.”*

Inussiarnersumik inuulluaqqusillunga  
Med venlig hilsen

Karl-Kristian Kruse